

VILLA DEL FORO

BUSINA' 1986

Lettore Ah, j'ei propi el mur bon!
A l'è du uri ca foma i ciulon,
c'av parloma d'diau, d'mort e d'curnon,
e voi i vori ancor stè que a piè u cicion!

A se?! Stè le, stè le, ma fè laurè u sicuton,
perchè ra businà d'l'an pasà l'era in lacabon !
Ma ist'ani u j'è dacc fora talmeint tancc mastion
che per mandei zi ui va propi in bel sgurdion.

Perchè, anca s'aurisu fev cuca anticipasion
u j'è za da ste 'teint, u j'è da perdi er cavion !
A n'oma da div... Pensè a ticc cui previon
prima ticc bian, ades cucadein za nèi cme 'r carbon.

Poi, matrimoni chi scrusu o chi van a robaton
seinsa che jein vi pudisa scumet-ti in buton.
Per neint parlè dr'a melja, che fandra schè u j'è
/ brizà er pajon,
e ades as truvoma ticc in bel grup an su reinon...

P2 Cmè..., magagni csi grosi con du paroli liquidaî ?!

Lettore Ma no!! Isti i son anmachi er feruâ !
Ar quartiè j'avu ancor da cmensè, j'eru za bataî
giuvu e vegg j'aurivu ticc er sò midaî.

E pò, t'at visi cul là, con culi là,
e cul'autra là tit u di fisaja, con cul là...
e jaucc doi che, per neint, i son andacc fina là...
e cula povra dona, di, uà cse cu j'è capitâ...

P1 Ferma! Che an sta cunfusion, a j'ò capì manc d'er fjà!
Set bragali ? Is calè, cul là... t'smej in ansensà.
E pensè che anca te t'devi esi jein d'cui ch'j'an stidià
ma um smeja che an tu discurs, t'sei an pò sbariuà !

I disu, an t'er pais, c'l'è za tit l'ani
ch'iv trovi an t'ina cà, a riva Tani,
a scrivi d'ist e d'cul, cme chi fisu d'er pitani,
ma..se t'ai fai dì du paroli an dialet, i son an t'er cani!

E i disu poi, an t'er pais, che st'eri neint laureà,
it uardavu d'travers, t'pudivi neint antrè an cà.
I fan tant i democratic perchè j'an stidià
e poi i voru esi lur a tajè i culet a ra comunità.

E i disu fina che anca er cumedî is son rangiaî,
e'r part pì beli per lur i sia son riservai,
e j'aurisu chi batu er man fin tant ch'is s'ja seju sloi!
E voi anlura, tej da deinti, ch'iv peju anca er braî !

P2 Ma se t'ai seimper da dì "i disu.. an t'er pais", d'in
/ ambalsmà!
Me, um smeja che t'ai sapi seimper te, er nuvità!

Lettore Ma se! Sét son-ni! T'jeri anca te ant cula cà
e ansema a cui cumpusitur, t'eri el prim di laureà,
e ades t'at tiri andrera, perchè u j'è tit er pais schierà!
Ades cambeja neint zachè, domsi neint d'er sapatà!

E pò, l'istà pasaja, i n'auter a j'oma teserà :
t'at visi neint, propi te da ingegnè t'l'ai batsa,
e accè, cuc dì dop, an ferie i l'an purtà
e per fei post, i disu, cucadein d'auter j'an lasà cà.

P2 Ah! U s'è laureà? Con tit cul teri cl'à da fè 'ndè,
us vig cui va na laurea anca per pudei arè.

Lettore Eh! Pover diau! L'ava na gran voja d'stidiè
ma ades, pitost che perdi na lira, el mord an t'in fer da siè!
Ma ades ste citu 'n pò, fem neinta perdi er cavion,
perchè st'ani d'robi a n'oma da divni da bon.
Tancce argumeint i son anpò d'er ripetision
ma, con d'er sunadi novi, i tiru seimper r'atension.

Vardè 'n pò i previ, ticc 'iani i son an s'ra businà,
ma i vurrai meja dì chi s'la seju neinta sercà?!
Eh, cujon! Basta chi vardi an pò ra realtà :
an doi ani, quater a n'oma cambià!

Aveinda vist che iein a l'è mai bastà
con l'iltim turnu, in camiu i m'n'an scarià,
cme sabia e gera, frej e sureli j'an armiscià,
per truvè j'omi gist, fina an s'er Veneto j'an sgatà!

P2 Quasi ticc, perchè u retur,
almenu uardandli an t'er mur,
u smeja neinta d'la turn,...
però, ... u dev esi in am d'unur...

Lettore Oh za! U s'è dacc propi na bela organizašion!
Prima er masnà j'andavu e j'omnivu an titt er funzion,
anveci ades, ra geint an t'i banc, ticc a snungion
e an s'f'autè, a strafugnè, am-mac chil e i sò garson.

An gesia fim e udur d'inceins i mancu pi
e da ra fimeria, cucadein da bianc cl'era, fina nei l'è auni.
Ancura sè che er masnà andè servi i poru pi
se nòanca lur a s'ja truvavu nei cme di ciblì!

Epira, ajoma mai vist ra gesia csì peina,
e a santa Vareinà, der bisti grasi cme na titeina!
us vigh che ra geint rà paura che ai sant ui gira ra leina.
A lè mei che'r maledision ui tena per ra so tmeina!

E pensè che , cme previ, u dimustra na gran vuluntà;
minch'antant er porta ra geint da que e da là
an pusision, u s'ia rabela fina an cò di Linà
per benedì doi gratachi e na murunà .

Antant chil là poi l'autista per andè cà
perchè, se chi vori, anca ist u stà an sità
e lè. , n'autra gesia l'à da dei na spargià
e u smeia che'r cuntrola diverse comunità.

PI Us fà meia servi ammachi a guidè!!
Anca ticc jaucc lavù u s'ia fa fè.

LETTORE T'ai rason, jan truvà na gesia d'arnuvè
e csè jan drubà tit er culur ch'javu da fè 'ndè
Neint cunteint d'tit ra gesia pitirè
anca San Roch er quader i son andacc a vernisè.

PI Lasra buij, set veni a sinquantè!
Per in quader, us dis neinta vernisè!

LETTORE At digh cl'è veira, e là da fiach is son facc cungatè
At vist che rasa d'ciaput ch'is son facc fè!
Ancontra ra cà, in quader c'us sà neinta se cl'è
mai disu che'r'j uri u serv a marchè.

Ma ev neinta voi na mustra da rigalè!
An sl'entrada, na soricia jian facc marchè
ant in dialet cu smeia quasi cul der freschè!

P2 Ma no! ammachi i prufesur i capisu se cl'è!

LETTORE Eh!, ma ades icc prufesur i cmeinsu quasi a stufè!
neint a basta d'cui che a ra vila jan ausì stidiè
ui na riva anca d'ad fora, chi voru auni a mustre
chi cui stava, na vota anti noster pulè

E csè per sgatei, is son bità a scavè
e stè ateint, se no fina an cà i venu a scrapè
da na part, truvè an pò d'mon vegg, jan lasà lè a marsè,
da i n'autra , facc er bogg , sibit is son bità a quatè.

P1

Quatè per scondi! chi sà mai se ch'jan truvà!
Javu da scondi j'avans d'cula famusa griglià?
S'lè acsè, a capis che ra para jabu drubà
con tit cul ganasi cu jera cula sira 'ntra sucietà!

P2

Eh se!! SE 'nveci d'andè a quatè an co di Linà
Jeisu pruvà a stupè di bogg a san damian, o si da là!!

LETTORE

No! ma ferma, ferma, u smeia chi fasi an pò d'confision.
Da na part, i scavu per truvè der costrusion,
da l'autra, i sfoiu per truvè i milion
perchè, a ra cuperativa, ui trema r'aminstrasion.

P1

Er calur d'Aust l'à facc scupiè 'r bugnon!
U smeia che i sod jabu facc in gran fugaron.
A seinti, ticc i son pulid cme di santon.
Ma 'ntant chi che'r paga l'è semper pantalon.

LETTORE

Eh se, cou su d'Aust u'iè propi da piè 'r balurdon!!
fina di matrimoni er fà 'ndè a rabaton.

Pusibu che u su in matrimoni er fasa slinguè ??!??!!
Ah se, im avu dicc che 'ntra vila cucadein us dava da fè.
Propi ieina che 'nsema 'riautri rè mai andacia a balè
e dai fanciot dra Vila a sè mai facia uardè.

P2

Us vigh ca na truvava d'iaucc andanda a laurè
per su lè ch'ra smeia propi in as da lavè!!

Fina su pari rè riusia a cungagè

che, andanda an pension, er gadan u sè bità a fè.
Ma no! Ades i sentimeint lasomij stè!!
Chisà quant situasion acse ant'er pais us pò truvè
L'è ura che di problema dra pulitica t'cmeinsi a parlè,
perchè l'ani pasà a soma turna 'ndacc a vutè.

LETTORE

Eh se!! E pensè che d'schedi im n'an dacc na svarslà
ma'n mes ui n'era ieina ora bsava na cà.

Jei capi? R'era cula der quartià, ca joma mansunà!!

E ades stè da seinti, che per isa u'iè stacc in migg d'muvità

Per fè 'r listi, u'iè stacc na gran preparasion.

Trei meis prima, ian cmensà a fè der riunion.

Ticc jaurivu fè ra lista, ma da scondon,

e avei ra lista pi longa, per smijè di capurion.

Per serchè i candidà, i giravu tit l'environ

e i sia ciulavu d'iein d'll'auter, prumeteinda na pusision.

Fina di furest jan tirà ant'er caudron

e a ra fein i candidà i'cru pi tanco che 'r'i abitasion.

Dop a tancc vers, er vutasion jan cambià manc der fià;
cucadein l'era cunteint e cucadein l'à brisà.
Poi, seinsa fè niente, jan lasà pasè tit l'istà
ma da suta, ognidein u sercava d'fes publicità.

Perchè, er presideint l'era neint ancura stacc numinà!!
u smiava che neint l'aurisa piesi ra responsabilità
e csè, d'alsandia, per decidi, cucadein jan ciama
ma neinta ticc, perchè iaucc jan lasà à cà.

Na bela sira, in editto u riva da ra sità
e lè u jera scricc chi cu duviva dirigi ra comunità.
Per su lè, in gran putiferi u s'è scatenà
perchè 'nlura d'jaucc pretendeint is son manifestà.

Cul numinà d'Alsandia l'os u l'auriva neint mulè
cul cu jera prima, alvandij ra careia u s'è bità a bragalè
"Me a jo ra magiuransa, a mè um specia d'omandè,
se nò, er baston ant'er rovi at sercherrò d'bitè!"

senteinda acsè, jaucc cumsigliè a risiè jan cmensà.
"Stè da seinti er partì"!! U diva jein anfularmà.
"Auroma vutè con cusienza!" i rispundivu anrabià.
Ant in canton, citu citu, u stava er presideint designà.

U spiciava ra vota boñha, come in gat an canteina
che antant i partì i son bon a fet andè an s'ra Leina!
Ui ven 'nautra riunion, ma ui tira in aria feina
ticc i rivu alineà, con an man ra capleina.

Che gran cambiameint! Se cu jera capità?
Com cap di sucialista u s'era acurdà!

PI Chi c'lè er cap di sucialista? In'auturità?

LETTORE Que a ra vila l'è cul gros er presideint d'ra sucietà

E pensè che fina a ieri i risiavu ticc i dì.
Fina a ieri... ! Perchè ades, per pudei andè sì,
i smeiu doi can ch'is nasu er chi!!!
Basta chi seiu sudisfacc J'interesi di partì

e cse, se cu jè armas., dop a tancc mastion?
A forsa d'nervum a san Burein ui tira u tron.
Ra sarà meia lè cra stideia turna cuicos d'bon
per fè come l'autra vota, andè turna ans'er carion?

An tra vila, anveci, der butigli i na drobu an quantità
Perchè is seintu sichir: jan er culur dra sità.
Per risolvi i problema ui basta na telefunà,
u ciama u sendic e ui na rabata sibit na camiunà!!!

Noi a sa scardoma chi fasu i fos aulong a ra strà
anveci lur i venu què amma chi per fè der bicerà!!
a paroli, u smeia chi sapu fè andè bein tit cul cui va mà,
ma foma atension a neinta truvesi ant i pastis beia sversà.

P2 Se se!! Ma ades cambeia discu che ta m'ai sa stufà
pusibu che con ra pulitica T'abi da dei per tit ra businà

LETTORE Va bein là a jo sa capì che is grup t'stanti a mandel sì
parloma d'auter e domij in tai ca posu finì
speranda d'vei pasà in'ura fandvi divertì
l'è neinta ca jabu der preteisi d'fev sbalurdì.
A soma ammachi trei giuvnot cas truvoma ticc i venerdì
e scriveinda d'ist e d'cul andoma a serchesi di gratachi.

Pensè che a ra vila, per ra puisia ui n'è iein pi taià,
cuch ani andrera in fugaron special l'ava urganisà
però poi l'à pensà che per ra Vila l'era an pò trop rafinà.
E speranda cu s'ia peinsa , per er mumeint as soma rangià,

Cuca speransa noi ar'oma, dato che st'istà,
ticc i l'an vist andè an gir an bicicleta da cuè e da là
rablandsi drera di barlafis beia 'ulipà
e bitiansi a l'ombra a pitirè er': i'ulfim murunà

Eh! S'ij peinsi, d'ant'er capali an cò di Linà
e po ancura da ra balostra fina ans'er Bià
se't bucali perchè ant'er gran t'ai facc ra strà
l'ombra!! Ehh!! S'tei seisa capleina tei bela sasinà

Andanda anveci dar buion a san Damian
o magari dau serbon fina au sivan
der pianti tna trovi e per sbagliuanca cuc fasan,
ma se t'sghij ant l'eua ar masim t'sgħamji fina 'dman

Parloma neinta se a riva a Tani t'vei a fè na spasigia
da Bacolini , fina an poncia d'Berb , fanda u rivà
ut tuca ciāmè er permes a tre o quater auturità
e per bein cat vaga t'sorti bela 'mmerdà

Però,...,diomli bela pian nè per carità!!
S'u jè bein tit ist sunadi per er noster cuntrà,
bein ome a ra vila ant nein post u sa stà
e anlura la soma perdi tit cul cui va mà

E po ades a soma rivà fina a carvè,
bso fà dax burdel e voi iv devi 'nciuchè
e si vori che a cà vostra av lasu 'ndè
prima csi lè 'ntera iv devi aruitè.

E po se per forsa im vori critichè
fel pira anca 'des seinsa spiciè
antant al soma , prima o dop cui cos da di u jè.
Perchè a ra vila seinsa critichi neinta us po fè.

E ades andè pira e salitè a ca
che noi a joma finì d'fè der nuvità
e av spicioma st'an ch'ven turna per ra businà
e per raduney ticc ansema ant ra Sucietà.

+++++

Villa del foro

FIRMATO

I MAESTRI DI DANTE A.